


Dad das man ye die vorgemelte ding wol merck van ires nutz wegen / so wil ich noch ein rechte fierüg durch die forig weyß sibben mal größern. Ich thü im also / ich nym für mich ein rechte anglige fierung. a. b. c. d. van gleychen seyten vñnd winckellen / vñnd setz der selben seyten leng acht an einand / diser ganzen leng anfang sey. d. vñ endt. e. Darnach teylle ich. d. e. mit einem puncte. f. in der mitt von einander / vñnd nym ein cirkel setz in mit dem ein fuess in den puncten. f. vñnd reyß mit dem anderen fuess. d. e. oben herumb zúsamem. Darnach mach ich in der ersten leng die kleyn fierung. a. b. c. d. vñnd dann far ich mit der lini. c. b. gerad vbersich an die cirkellini / da setz ich ein. g. So ich dann auß diser leng mit anderen solicher drey linien ein rechte fierung schleußt / so helt sie sibbenmal so vil innen als die erst fierung. a. b. c. d. wie ich das hab hernach gerissen.



Will du ein rechs quadrat auß einem vngleichseytigen dryangel machen / die gleych vill gegen einander inhalten / so thü im also / der für geben dryangel sey. a. b. c. vñnd. a. c. sey vber zwerch die lengst seyte / vñ der winckel. b. sey vbersich gericht. Nun zeuch auß dem winckel b. ein aufrecht lini herab auf die zwerch lini. a. c. do hin setz ein. d. Darnach teyl. b. d. mit einem. e. in der mitt von einander. Darnach. a. b. mit einem. f. vñnd. c. b. mit einem puncten. g. auch in der